

四庫全書存目叢書編纂委員會編

齊魯書社

四庫全書存目叢書

四庫全書存目叢書編纂委員會編

齊魯書社

四庫全書存目叢書

子部
第二四七冊



魯新登字 07 號

責任編輯：孫言誠 賀 偉

ISBN 7-5333-0478-0



9 787533 304782 >

EB56/07

四庫全書存目叢書·子部二四七

(大陸版·限中國大陸發行)

四庫全書存目叢書編纂委員會編

齊魯書社出版發行

(濟南經九路勝利大街)

廣東精興印務有限公司印製

787×1092 毫米 16 開本 48.25 印張

1995 年 9 月第 1 版 1995 年 9 月第 1 次印刷

印數 1—100

ISBN 7-5333-0478-0

Z·27 子部定價：78300 圓

子部第二四七冊目次

子部·小說家類

新編古今奇聞類紀十卷

〔明〕施顯卿輯
南京圖書館藏明萬曆四年刻本

一

異林十六卷

〔明〕朱謀瑋撰
北京圖書館藏明萬曆帥廷鑑刻本

二一四

快雪堂漫錄一卷

〔明〕馮夢禎撰
中國科學院圖書館藏清乾隆平湖陸氏刻奇晉齋叢書本

三二〇

孝經集靈一卷

〔明〕虞淳熙輯
江西省圖書館藏涵芬樓影印清道光十一年六安晁氏木活字學海類編本

三三八

仙佛奇踪八卷

〔明〕洪應明撰
復旦大學圖書館藏明萬曆刻本

三四二

猗園十六卷

〔明〕錢希言撰
北京圖書館藏清鈔本

五一一

新編古今奇聞類紀十卷

〔明〕施顯卿輯

南京圖書館藏明萬曆四年刻本

附《四庫全書總目·古今奇聞

類記十卷》提要

古今奇聞類紀

天地間事物之呈奇獻異可駭可愕為見聞

所不及者豈少也哉惟生於罕見而止於習

也日月之運行江河之流貫孰不見之而亦有

薄蝕有汜濫焉相安於照臨之下者則必以薄

蝕為異相習於潤澤之功者則必以汜濫為奇

不知運行有常而薄蝕之異亦其自然之理

潤澤有常而汜濫之虞亦其或然之勢六經

孔孟家有其書而人誦之其與夫日月之麗天

江河之行地者何異而莊生列子夏革齊諧則

目以為怪何者謂其為六經孔孟之變而非世之

所共習而安焉者也九峯先生邃學博聞

自墳典而下雖釋官山史靡不旁搜而備剔

焉在昔與余同舉於鄉迨其解組而歸也

屏絕塵務惟在觴詠之暇裒古今之奇聞而

為一書其言明有徵驗允宜理而寓可以為誼博

之資非覓冥涉化之枯譚也嗚呼采異卉
於千林拾奇琛於萬圃而玩之者皆不有
如登清虛之樓揭蜺夷之館彼霓裳羽衣珠
宮海市犁然在望足以注目而凝睇者乎其
視夫楊雄辯奇字不以成書而太玄之準易者
僅以覆瓿相去遠矣之既竣事余贅一言以弁諸
首

萬曆丙子七月杪日

序

子

賜進士出身中憲大夫雲南按察司副使奉
敕整飭瀾滄等處兵備崑源華汝礪序



古今奇聞類紀敘

一元之混闢而萬象出焉彌布乎天下流行
於古今未嘗息也而要其大分不過常變之
二端而已常則靜正坦夷簡易明白人固習
而安焉變則神異難知玄怪莫測人多值而
駭焉然常必有變理之相因如暑寒晝夜然
人惟順適乎常而兼通夫變斯知大化有全
功而窮理無偏見矣昔仲尼不語神怪而姜
嫄之孕傅巖之夢垂之六經土賁羊夢罔閭
之異著之羣籍然則不語者非不語也但不
雅語以為訓耳余歸老讀書遇事之奇異者
必以片紙錄之又恐久而散逸也乃釐為十
卷名曰古今奇聞類紀上而天文下而地理
運播而五行散殊而人物靈變而僊釋幽微
而鬼神分門別類以備一家之言中間援引
莫詳於

國志者以方今垂世之典所紀之皆實也次則多用史傳通考者以人所傳信之書所載之非誣也又次旁及於雜編野記異說玄談諸氏之籍者以其理之不悖說之相通故亦存之而不遺也嗚呼是書也遇變而考稽則可以為徵驗之著龜無事而玩閱則可以為幽閒之鼓吹非敢漫為捕風之論說鈴之詞已也然未知博雅君子或用其一二焉否爾

序

四

萬曆四年六月既望無錫九峯山人施顯卿敘時年八十二



古今奇聞類紀總目

卷一

天文紀

卷二

天文紀

卷三

地理紀

卷四

五行紀

卷五

神祇紀 前知紀 凌波紀

奇聞類紀

總目

卷六

奇聞紀

卷七

驍勇紀 降龍紀 伏虎紀 禁蟲紀

卷八

除妖紀 識毒紀 物精紀

卷九

仙佛紀

卷十

神鬼紀

總目畢

無錫施顯卿純甫編輯

天文紀

天文叙

天之垂象所以示乎人也。運行之度循環無愆。清明之色悠久不易。此其常也。而間有神變莫測。出乎常理之外者。斯則天心之仁愛所以警惕夫人而使之脩省也。易曰：「天垂象見吉凶。」又曰：「觀乎天文以察時變。」洪範言建極錫福必參稽於庶徵。周官保章氏志日月星辰之變動以詔救政。訪叙事蓋五氣順戾而休咎徵焉。上下所當交儆而無忽者也。故明王則之以慎德。賢臣鑒之以脩職。庶民效之以飭行。而天之反行爲福。其理固必然矣。稽之十日並照。罔累於放勳。雷電以風。彌昌乎姬錄。宋景善言而榮感退舍。子產悉具而火不爲災。率是道也。嗚呼！順天休而答譴戒。斯君子所以保泰於無疆者乎。

天

漢時天開 此下紀天開之異

漢惠帝二年。天開東北。廣十餘丈。長三十餘丈。漢書

晉時天裂 裂即開也。各國出處而書之

晉惠帝元康二年二月。天西南大裂。太安二年八月庚午。天中裂爲二。有聲如雷者三。穆帝升平五年八月己卯。天中裂。廣三四丈。有聲如雷。野雉皆鳴。晉書

梁時天裂

梁武帝太清二年六月。天裂于西北。長十丈。廣二丈。光出如電。其聲如雷。十二月戊申。天西北裂。有光如火。南史

陳時天開

陳後主至德元年十二月戊午夜。天開自西北至東南。其內有青黃雜色。隆隆若雷聲。南史

宋時天開

宋牟襲吉狀元之子。少時庭中乘涼。忽見天開。其內雲霞湧洞。樓閣參差。光明下照。山岳驚懼。遂巡乃閉。襲吉勤於書寫。乞乞不倦。今尚在。年逾八十矣。蘇光錄

元時天裂

元順帝至正己丑冬十一月。天裂于天漢之旁。己亥秋九月晦日。天甫明。西南方天裂。紅光燭地。移時始復。己酉冬十二月朔。天裂西南。元史

宣德中天裂

國朝宣德中。一日未申時。忽天裂于西南。視之若十餘丈。時晴碧無翳。內外際畔了然可察。見其中蒼茫深昧。不可窮極。良久乃合。志懷錄

天順間天開

天順間。陝西臨洮府蘭縣鄉民陳鸞。夜半獨起。仰見天門大開。上帝冕旒衣袍。端拱其中。儀衛鵠立者甚衆。宮殿欄楹。炫彩耀目。鸞疾呼家衆視之。雲倏合矣。西樵野記

弘治中天開

弘治戊申二月二十六日陝西軍民人等見天門忽開人馬百萬自下而入詳郡漫抄

正德間天開

正德間揚州江都縣有啞人鄭姓者人稱爲鄭啞巴一夕至南門忽見空中紅光炳耀仰視則天開眼也隨拜隨喚人觀之不覺聲出於口自是不啞揚州曹進士守真云啞者乃其父之相識事信有之啞巴因天開一拜而遂有音聲奇亦其笑七修類纂

晉時天鳴此下紀天鳴之異

晉元帝太興二年八月戊戌人忽聞天鳴東南有聲如風水

齊開類紀卷一

相薄三年十月壬辰天又鳴至甲午方止安帝隆安五年

閏月癸丑天東南鳴六年九月戊子天東南又鳴天鳴每東南者蓋晉中興江外故天隨之而鳴以示警也晉書

梁時天鳴

梁武帝中大通元年六月辛巳竟天有聲如風水相薄南史

陳時天鳴

陳宣帝太建十三年九月癸未夜天東南有聲如風水相激三夜乃止十四年八月癸未天有聲如風水相激九月辛亥夜天東北有聲如蟲飛漸移西北後主至德元年九月丁巳天東南有聲如蟲飛陳書

隋時天鳴

隋文帝開皇二十年四月乙亥天有聲如瀉水且南而北隋書

唐時天鳴

唐玄宗天寶十四載五月天鳴聲若雷鴻範傳曰天鳴有聲至尊憂且驚國亂所由生也乾坤變異錄曰天鳴有聲天子及大臣有驚憂德宗貞元二十一年八月天鳴在西北唐書及文

宋時天鳴

宋神宗熙寧元年七月戊子丑之五刻西南雲間有聲鳴如風水相激慶周四方六年七月丙寅丑之四刻西北方雲間有聲如磨物七年七月庚子丑之三刻西北天鳴占主政虛民勞兵革歲動寧宗開禧元年六月壬寅天鳴有聲宋史

元時天鳴

元時天鳴

元順帝至正十八年三月大同路黑氣蔽西方有聲如雷頃之東北方有雲如火交射中天遍地俱見火光空中有兵戎之聲二十七年春正月絳州天鼓鳴其聲如金中戰聞者又處州遂昌縣晝忽有大聲如鐘自天而下有聲無形蓋鼓妖也元史

國朝天鳴

洪武元年八月六日建業天鳴如河傾海注乃肆赦韓木子成化末正旦日申時中失有白氣如練仰視之宛轉如一白蛇漸升漸消消且盡忽有聲如雷蓋天鼓也弘治辛酉閏七月二十一日午後陰雲密布迷漫如欲雨者俄聞空

中開然有聲約二刻乃止人皆謂之天鳴是年有火篩入之變西漢記

天雨金此下紀天降異物

夏禹時天雨金三日古詩云安得天雨金使金賤如上也是也周成王時咸陽雨金今咸陽有雨金原述異顯王三年雨金于櫟陽秦二世元年宮中雨金既而頃刻皆化為石述異漢惠帝二年宮中雨黃金黑錫漢世翁仲孫家貧力作居渭川一旦天雨金十斛於其家唐書拱三年廣州雨金諸

天雨錫鐵

河間有雨錫城漢世天雨鉛錫於此述異元至治元年中原板蕩玉案山有小赤犬群吠遍野之異是年天雨鐵民舍山石皆穿人物值之多艱魏俗號曰鐵雨漢書

天雨異石

魏武帝末年鄴中雨五色石述異元至正甲午乙未間河北山東多隕石大或如屋陷深入地丈餘隕石自春秋紀載以來多有之未有若此之異者也陳本國朝弘治庚戌歲二月陝西慶陽縣隕石如雨大者四五斤小者二三斤擊死人以萬數一城之人皆驚他所魏國

天雨水銀

晉惠帝永興二十六年七月辛酉夜天雨水銀與唐志貞觀廣州雨金同占金位正秋為刑為兵占曰人君多殺無辜一年災于朝晉宋高宗紹興二十六年七月雨水銀宋史

天雨紙錢

宋高宗建炎二年杜元為北京留守一日天雨紙錢于營中厚盈寸明日與金虜戰于城下敗績錢金類金兵象也紙白祥也宋史

天雨金

春秋文公三年秋雨金于宋公牟傳雨金者何墜而死也通考

天雨赤物

陳後主至德二年十二月有赤物墜于太極殿前初下鐘皆鳴俄而國亡南史

北齊主湛河清四年有物墜於殿庭色赤形如漆赤鼓帶大鈴衆星隨者如小鈴未幾皇后崩北史

奇聞類紀 卷二

天雨鹿

漢成帝末年天雨一蒼鹿於宮中述異記

天雨肉

漢桓帝建和三年秋七月北地廉雨肉似羊肋或大如手時梁太后攝政兄冀專權狂殺李固杜喬等天下克之其後梁氏誅滅漢書晉愍帝建興元年河東地震雨肉文獻通考通考劉聰時平陽星墜為肉長三十步

天雨羶羊

隋文帝開皇十一年六月繁昌楊悅見雲中二物如羶羊黃色大如新生犬闢而墜悅獲其一數旬失所在洪範五行傳曰君不明逆火政之所致也狀如新生犬者羶類也雲播

者奸邪之象。羊與楊同音。國姓也。羊子也。太子勇既升。貳晉王廣陰毀之而廢。熟。一羔闕。一羔墜之。應也。

天墮魚

漢成帝鴻嘉四年。墮魚於信都。長五寸以下。京房易妖曰。魚去水飛入道路。兵且作。唐元和十四年二月。晝有魚長八餘。墜于鄆州。良久乃死。魚失水而墜于市。敗亡之象也。唐元至正丙午八月辛酉。上海縣浦東俞店橋南牧羊兒三四。聞頭上恰恰有聲。仰視之。流光中墮一魚于橋畔。其狀異常。自首至尾僅盈尺。身潤而短。是日晴無陰雲。亦無驚鶴之類。是可怪也。日晡時。縣市人聞然指流星自南投北。即此時也。橋下有一人取回家。欲烹食。其妻不從。蓋而藏之。聞者多就視焉。人有知其不祥者曰。志有云。天墮魚。人民失所之象。

天雨水

唐貞元四年。雨水于陳留十里許。大如指。長寸餘。中空。所下立如植。占曰。水生於下而自上墮者。上下易位之象。碎而中空者。小人象。如植者。自立象也。宋紹熙五年十一月辛亥。行都雨水。與唐志貞元陳留雨水同占。越月吏部侍郎彭龜年上疏。論知閣事韓侂胄奸萌坐絕。後侂胄擅朝。誤國。

天雨果核

周秦間。河南雨酸棗。遂生野。秦今酸棗縣是也。魏世河內冬雨棗。魏文帝安陽殿前。天降朱李八枚。咬一枚。數日不食。今李種有安陽李。大而又甘者。即其種也。元至正手

辰春。予自杭州避難居湖州。三月二十三日。黑氣亘天。雷以雨。有物若果核。與雨雜下。五色間錯。光瑩堅。其聲之似松子仁。人皆曰。婆娑樹子。閏月十二日。復雨如初。道月過杭州。因知三月十八日。亦雨如湖州。郡人初不以爲異。及九月十日。紅巾犯省。治雨核之地。悉被兵火。無有處屋。幸如故。余弗之信。九月二十六日。湖州陷。儀鳳橋四向焚戮。特甚。追思雨核時。橋四向爲最多。信前言不誣也。後聞池州亦然。與杭同日。池州之禍尤慘也。果核之雨。與空中墜桂子相類。皆理之不可曉者。

天雨水子

唐武后垂拱四年三月。雨桂子于台州。旬餘乃止。占曰。天雨水子。數人死。唐宋神宗元豐三年六月己未。饒州長山木子數畝。狀類山芋子。味香而辛。土人以爲木子。又曰。菩耳。明道中嘗有之。是歲大稔。

天雨五穀

夏禹時。天雨稻。詩云。安得天下民。漢武帝時。廣陽縣雨麥。吳桓王時。金陵雨五穀。並宋元豐二年六月。忠州雨豆。元祐三年六月。忠州臨江縣雨白黍。又而大觀元年。廬州雨大豆。紹興十六年正月。奉天雨豆。占曰。豆生於地者也。自天而下。蓋草妖也。至道二年。州清縣解雨黃黑豆。又長樂太平二鄉雨黑豆。寶鼎縣以爲瑞。其事五行志。元至正庚寅年冬。

溫靈靈暴雨時行衢饒處等州雨黑黍大如小麥俗名黑咬視其內白如粉辛卯歲十月信州及邵武雨黍饒州建寧雨黑子大如黍黍子衡州雨黍民多取而食之元史及

國朝成化元年天雨黑黍千襄陽掾之盈把及星變地震蓋兵兆也時北方流民聚山中凡數十萬叛逆僭號 朝廷大發兵討之擣其巢穴湖湘始靖焉 弘治乙卯六月縣歛雨

降黑豆遍地無數人食之則氣閉巡按御史楊一桂具本奏聞錄

天雨草及藥
漢元帝末光二年八月天雨草而葉相膠結大如彈丸漢五行志

奇聞類紀 卷二 九二
平帝元始元年正月天雨草狀如末光時京房易傳曰君若於祿任衰賢去厥妖天雨草漢書宋明帝泰始四年春正月丙辰朝大雨草於宮中宋史宗慶曆元年二月丙午京師雨

天雨毛
漢武帝天漢元年三月天雨白毛三年八月天雨白毛京房易傳曰前樂後憂厥妖天雨羽又曰邪人進賢人逃天雨毛

漢書五 晉武帝泰始八年五月蜀地雨白毛時益州刺史伐汶山胡從事何旅固諫不從牙門張弘等因暴之怨誣其謀逆害之晉書隋文帝開皇六年七月京師雨毛如髮尾長者三尺餘短者六七寸京房易飛候曰天雨毛其國大飢時陽中

旱米粟湯貴唐中宗神龍二年越州雨毛李淳風乾坤變異錄云天雨毛邪人進貴人走賢人逃唐書宋神宗熙寧元年荆襄間天雨白毛如馬尾者人餘彌漫山谷三月丁酉潭州雨毛八年五月丁丑雨黃毛宋史元順帝元統二年三月大雨毛二十五年夏五月大都雨毛長尺許或曰龍鬚也命拾而祀之元史

天雨土灰
樂武帝大同元年天雨土二年天雨灰時帝自以為聰明博達惡人勝已又篤信佛法捨身為奴雨土雨灰絕身敵賢之罰也唐書貞觀七年三月末微三年三月景龍元年六月天寶十三載二月大曆七年十二月貞元二年四月八年二

奇聞類紀 卷二 十一
月開成元年七月咸通十四年三月中和二年五月天復三年二月天祐元年閏四月俱雨土唐書宋淳化三年正月臘寧八年五月元豐五年三月六年四月元祐七年正月宣和元年三月俱雨土占曰天雨塵土主民勞苦宋史

天雨粉針
元至正壬辰中天雨粉針湖廣民家門戶柱壁之間皆有粉痕如針樣無數不知何物從何而生亦甚異也元史

天墮泥丸
國朝成化元年五月間一日大風蕭蕭以西若雨雹聲有在地者拾取視之皆黃泥丸子圓澤堅實如核桃大破之中有硫黃氣劉學士在西住拾數丸示予非親見亦不信也以此

觀之二氣變化何所不為彭文憲公集錄

天墮草船

松江城西有董仲穎素以敦厚稱成化丙午八月二十一日天子登霧較無纖雲衆見空中有小船從東而西又轉而東隨仲穎樓上觀者塞道細視之乃莽草所縛者時仲穎方忠耳贖亦不大驚但曰此船來載我耳不久果卒

天降白物

嘉靖四十一年六月三日天日晴麗忽空中降白物大小如雪片晶光映日以手撲之隨滅自午至申而止鄞與定海皆然

定海志

奇聞類記

卷一

十一

漢時日變

漢靈帝中平四年三月丙申日中有黑氣大如瓜五年正月日色赤黃中有黑氣如飛鵲數月乃消

晉時日變

晉惠帝元康九年正月日中有若飛燕者數日乃消王隱以爲懷愍蒙塵之徵懷帝永嘉五年三月庚申日散光如血下流所照皆赤日中有若飛燕者愍帝建興二年正月辛未申時日墮于地又有三日相承出於西方而東行五年正月庚子三日並照虹蜺彌天日有重暈左右兩珥丁未亦如其數占曰白虹兵氣也三月並出不過三旬諸侯爭爲帝日重暈天下有立王暈而珥天下有立侯故陳卓曰當有大變

天下其三分乎三月而江東改年爲建武劉聰李雄亦踴躍

劉彊宇於是兵連累葉元帝恭興元年十一月乙卯日夜出高三丈中有赤青珥四年二月癸亥日闕三月癸未日中有黑子永昌元年十月辛卯日中有黑子時帝寵幸劉隗擅威福虧傷君道王敦因之舉兵逼京都禍及忠賢穆帝永和八年張重華在梁州日暴赤如火中有三足鳥形見分明五日乃止十年十月庚辰日中有黑子大如雞卵十一年三月戊申日中有黑子大如桃二枚時天子幼弱久不親國政升平三年十月丙午日中有黑子大如雞子未幾帝暴駕帝奔太和六年三月辛未白虹貫日日暈五重十一月桓溫廢帝爲海西公即簡文咸安元年也

奇聞類記

卷一

十二

梁時日變

梁武帝太清三年正月庚申白虹貫日三重元帝永聖元年十一月丙子有兩日並出

陳時日變

陳文帝天嘉七年二月庚午日無光鳥見四月甲子日有交暈白虹貫之是月癸酉帝晏駕

周時日變

周武帝天和元年二月庚午日闕光遂散日鳥見十月辛卯黑雲貫日宣帝大象元年二月癸未日將入時其中並有鳥色大如雞卵四日乃滅

唐時日變

唐時日變

唐太宗貞觀初突厥有五日至照 玄宗天寶三載日晝五
重占曰是謂氣光天下有兵 憲宗元和二年十月壬午日
旁有黑氣如人形跪手捧盤向日盤中氣如人頭四年閏三
月日旁有物如日十年正月辛卯日外有物如鳥 文宗太
和二年二月癸亥日無先白霧暮十二月癸亥有黑侵與
日闕六年三月有黑侵與日如闕庚戌日中有黑子四月乙
丑黑氣磨日 僖宗乾符二年日中有若飛蝗者六年十一
月丙辰朔兩日並出而闕離而復合三日乃不見是月黃巢
陷潭州通江陵守將劉漢宏作亂巢遂渡江渡淮陷東都入
長安帝乃播遷巴蜀焉 昭宗天祐元年二月壬寅日中見
北斗二年正月甲申日有黃白暈乙酉亦如之暈中生白虹

奇聞類記 卷十

漸東長百餘丈二月己巳日有黃白暈如半環有蒼黑雲夾
日長各六尺餘既而雲散狀如人如馬乃消其占曰暈有虹
者為大賊夾日者賊臣制君之象變而如人者為叛臣如馬
者為兵未幾朱溫逼帝遷都因而弑逆卒移唐祚焉 唐書

後周日變

後周顯德七年正月癸卯日既出其下復有一日黑光磨盪
久之知星者苗訓指示親吏楚昭輔曰此天命也是日檢點
趙匡胤代周為天子 宋史

宋時日變

宋真宗景德元年十二月甲辰日有影如三日狀占在危宿
幽州之野時契丹舉兵壓境 孝宗乾道二年六月甲子日

有戰氣長斜倚日旁占是戰相傷之象 宋史

元時日變

元順帝至正十六年三月有兩日相盪既十八年戊戌冬十
月有兩日相擊黑光磨盪 元朝於歲首例遣使祭岳瀆
至正己巳翰林應奉李國鳳代祀嵩恒警無闕抵汴路閉即
城中望祭嵩岳時閏正月下旬也二月十三日遊相國寺見
許僧方仰面聚觀李亦從之仰視見日旁有一月一孕月如
初法者共駭異焉 無補錄

國朝日變

嘉靖二十四年十二月二十日以後日旁常有黑塊往來漸
日早暮見之凡五日方止 類修三十四年十二月二十九日

奇聞類記 卷十

未申時日光暗有青黑紫色如日狀者數十與日相盪俄而
數百千萬彌天者半逾時漸向西北散去明年四月倭寇四
起大掠邊徼 宋海志

月

月暈七重

漢高祖七年月暈參畢七重占曰畢昂間天街也街北胡也
街南中國也昂為匈奴參為趙畢為邊兵是歲高皇帝自將
兵擊匈奴至平城為冒頓單于所圍七日乃解 漢志

月暈五重

光武建武八年三月庚子夜月暈五重紅紫青黃似虹又有
黑氣如雲月星不見丙夜乃解是歲閏四月帝自將征匈奴

光祿勳郭憲諫曰東方初定車駕未可遠征乃當車拔佩刀以斷車轡帝不從竟以王師之重遽入險阻雖擊走而顯川盜羣起寇沒屬縣河東守兵亦叛京師騷動帝聞之曰吾悔不用郭子橫之言漢志

月暈畢昴

宋徽宗時月暈圍畢昴任伯言言天道雖遠理可取必按漢志曰畢昴天街也其北爲胡其南爲漢而參爲趙魏之郊昔高帝七年月暈圍參畢昴遂有平城之圍以此觀之象不徒示陛下當畏懼修省先事爲備也帝不納果金人入寇帝有北轅之禍宋史

月重輪

青關類記

卷一

車

高宗紹興三十二年五月十六日五更初此暈以使事過臨淮境瞻月外有環暈五重附近者紫紅色白者次之青者又次之黃者又次之最外深紅各相去一丈分寸不差試其圓如規馬上諦視起敬時天文官荆大聲隨行馳至旁附耳曰是謂月重輪前史所紀未有如今茲所見者但太陰極盛恐非太陽之利耳將曉乃沒未一月而高宗異位文獻通考

兩月並出

漢成帝建始元年八月戊午晨漏未盡三刻有兩月相承見於東方京房曰君弱而婦強爲陰所乘則月並出漢志梁武帝太清二年五月兩月相承如鉤見於西方占曰其國亂亡南史西魏文帝大統十四年正月朔兩月並見北史

隋煬帝大業九年正月二十七日旦兩月並見隋書宋真宗天禧四年四月乙酉西南方兩月並見占曰大臣解黜又曰有大水是年秋寇準貶滑州河決京師大雨壞廬舍宋史

三月並出

秦符生時太史令康權言於生曰昨夜三月並出幸皇入太微連東井自去月上旬沉陰不雨以至於今將有下人謀上之禍生怒以爲妖言撲殺之是月符堅殺符生自立稱大秦天王晉書唐貞觀初突厥有三月並出是歲突厥亡通考

朔日月見

晉安帝義熙九年十二月辛卯朔月見東方是之謂反應云應則侯王其肅是時劉裕輔政威刑自己反應之應也晉書

青關類記

卷一

車

唐高宗儀鳳二年正月甲子朔月見西方是謂之朏上則侯王其舒劉向以爲朏者疾也君舒緩則臣驕慢故月行遲而月行疾也唐書

月光晝見

梁簡文帝大統元年正月丙寅月晝光見於東方占曰月晝明姦邪有謀國亂君亡未幾侯景篡弒南史

二十夜月圓

宋慶元二年十月二十夜三更後月初出時臨安嘉興兩邦人未寢者皆見其團圓如望夕太史奏是爲上瑞其地當十歲大稔其冬不雪明春無雨民極以爲憂下詔惻怛懇祈中夏雨足歲果大稔東坡志

晦日月光

趙清獻公并賜第在京師府司巷長女適史氏以昏月不寐
啓戶納涼見月消中庭如畫方歎曰大好月色俄庭下漸暗
月痕稍縮小斯頃光滅仰視星斗燦然而星乃晦日竟
不曉為何物光也夷堅志

月墜桂子

宋仁宗天聖中七月八月之望秋色甚朗有桂子從空降如
雨其大如豆有黃白黑三色食之其味辛香寺僧道貳取以
種之得二十五本皆成大木其花白其實丹今西湖飛來峯
支口通鑑撰者有曰月桂峯上下有亭曰月桂亭皆因是得名也
月中人帶甲仗矛

奇聞類紀 卷一

晉人尹思正月十五日坐室中遣兒視月中有異物否兒曰
今年當水月中有人披簪帶鋤思出視之曰非水也將有兵
亂月中人帶甲仗矛爾已而兵變果作真仙通鑑

月中人乘騎揚鞭

宋吳曦未叛時嘗歲校獵塞上一日夜歸笳鼓競奏驍戰
聲方響鞭四視時盛秋天宇澄霽仰見月中有一人焉騎
而垂鞭與已惟肖問左右所見皆同殊以為駭嘿自念曰我
必當貴月中人其我也揚鞭而揖之其人亦揚鞭乃大喜逆
謀由是益決夫妄心一萌舉目形似此正與投箸天池者均
耳月妖何尤推史

建元星變此下星變係國家作各

漢武帝建元二年四月有星如日夜出元光中天星盡掃上
問候星者對曰星搖者民勞也後伐四夷百姓勞于兵革

在矢流宮

靈帝中平中夏流星赤如火長三丈起河鼓入天市抵觸官
者星色白長三丈後尾如蛇行屈曲有碎光迸出食頃乃滅
占曰是謂枉矢流發其官射矢當直而在者操矢者邪在之
人也厥後大將軍何進謀誅中官中官覺之於省中殺進
俱兩破滅天下遂大壞亂漢書

長星投營

後主建興十三年諸葛亮率大衆伐魏屯於渭南有長星赤

奇聞類紀 卷一

而芒角自東北西南流投亮營三投再還往大還小占曰兩
軍相當有大流星來走軍上及墜軍中者皆破敗之徵也九
月亮卒於軍焚營而退羣帥交怨多誅殘蜀志

五星交互經天

晉惠帝永寧元年自正月至于閏三月五星交互經天縱橫
無常凡畫而星見于上者為經天其占為不臣為更主今五
星經天古所未有也是後內而將相外而諸王方伯互執兵
權懷戚為劉氏所執五胡爭起分據中國亦古所未有也

永嘉星變

懷帝永嘉元年九月辛卯有大星如日自西南流於東北小
者如斗相隨天畫赤聲如雷三年正月庚子彗感犯紫微宮

曰當有野死之王又為火燒宮是時太史令高堂卿奏乘輿宜遷幸不然必無洛陽帝不聽五年六月劉曜王潛入京都焚燒宮廟執帝歸平陽晉書

天星散落如雪

唐中宗景龍四年六月韋后弒帝於神龍殿臨淄王起兵討逆與劉幽求入苑中逮夜天星散落如雪幽求曰天意如此時不可失王遂勒兵入玄武門誅韋氏即位以正大統唐書

元和星變

憲宗元和五年三月戊戌日晡天陰寒有流星大如一斛諾墜于交州聲聞數百里野雉皆雊所墜之上有赤氣如立蛇長丈餘至夕乃滅九年正月有大星如半席自下而升有光

奇聞類紀

卷二

九

燭地羣小星隨之四月辛巳有大流星尾迹長五丈餘光燭地至右攝提西滅十二年九月己亥甲夜有流星起中天首如甕尾如二百斛船長十餘丈聲如羣鴨飛明若火炬過月下西流頃更有聲聲墜地有大聲如壞屋者三唐書

星聲如雷

周世宗顯德三年正月庚寅有大星墜其聲如雷牛馬皆逸京城以為曉鼓皆伐鼓應之五代史

星光奪月

宋太宗淳化元年九月辛巳有星出羽林色青南行光奪月占曰禁兵出十一月壬午流星出天關如半月南行至大角東北墜於地光芒四照聲如墮墻占曰秦燕分兵渡水旱宋史

政和靖康星變

徽宗政和七年十二月有星如月南行宣和七年十月戊子星出王良北如杯急流入紫微垣上輔北赤誓有尾迹照地明主大兵將起天下大亂欽宗靖康元年三月壬辰星出紫微垣內鈞陳東南亦黃有尾迹照地明主兵起宋史

天狗星墜

理宗端平乙未天狗星墜淮安軍金榮縣境其聲如雷六州之人皆聞之及相與觀看皆為碎石其色紅赤識者知為干戈之兆次年蜀將曹友聞死金兵大舉入蜀蜀禍始此談堅志

星闕中天

帝昀德祐元年三月有二星闕於中天一星闕其北一星乃

奇聞類紀

卷二

十一

宋元之君闕於中天乃爭衡之象二星墜乃宋亡之兆也宋史

星隕廣南

端宗景炎三年八月有星隕於廣南初隕色紅大如箕中爆裂為五既墜地殷如鳴鼓一時頃止是時元兵強盛宋失臨安帝播越厓山正值廣南之地而遇星變若此未幾果舟覆於海宋遂亡矣宋史

至正星變

元順帝至正十年六月有星入於北斗大如月震聲如雷周氏曰斗有環域天之三辰綱紀星也有星如月入之而震聲如雷天變極矣順帝以尋常視之置而不顧其玩忽天戒孰甚焉通鑑至正甲午乙未間河北山東多隕石大或如屋陷